



Primjer borca na Allahovom putu je kao primjer postača i klanjača koji stalno u molitvi uči Allahove ajete, ne prekida sa postom niti sa namazom, sve dok se taj borac ne vrati sa Allahovog puta.

Od Ebu Hurejre, radijallahu 'anhu, se prenosi da je rekao: "Rečeno je Allahovom Poslaniku, sallallahu alejhi ve sellem: 'O Allahov Poslaniče, šta je ravno borbi na Allahovom putu!?' On reče: 'To vi ne možete učiniti.', pa su mu dva ili tri puta ponovili isto pitanje, a on je svaki put odgovarao: 'To vi ne možete učiniti.', zatim je rekao: 'Primjer borca na Allahovom putu je kao primjer postača i klanjača koji stalno u molitvi uči Allahove ajete, ne prekida sa postom niti sa namazom, sve dok se taj borac ne vrati sa Allahovog puta.'" A u predaji koji bilježi Buharija stoji da je neki čovjek rekao: "O Allahov Poslaniče, uputi me na djelo koje je vrijedno kao borba na Allahovom putu?" On je odgovorio: "Ne mogu naći takvo djelo.", zatim je rekao: "Da li možeš kada borac na Allahovom putu izade u borbu, da odeš na svoje mjesto gdje klanjaš namaz te da klanjaš bez prestanka, i postiš bez prekida?" "A ko može takvo nešto!", odgovorio je.

[Vjerodostojan] [Hadis bilježi imam Buhari - Muttefekun alejh]

U ovom hadisu, po obadvijema predajama, upitali su ashabi Allahovog Poslanika, sallallahu alejhi ve sellem, o obaveznom i dobrovoljnem djelu koje po vrijednosti i nagradi odgovara borbi na Allahovom putu, pa im je Allahov Poslanik, sallallahu alejhi ve sellem, odgovorio: "To vi ne možete učiniti.", odnosno vi nemate snage da uradite djelo koje odgovara borbi na Allahovom putu. Pa su mu dva ili tri puta ponovili isto pitanje, a on je svaki put odgovarao: "To vi ne možete učiniti!" Zatim im je objasnio kakvo je to djelo, a to je da stalno klanjavate namaz, i da stalno poste i uče Kur'an, bez posustajanja i prekidanja, a nema sumnje da ovo nije u čovjekovoj moći. Zbog toga im je Poslanik, sallallahu alejhi ve sellem, odmah na početku rekao: "To vi ne možete učiniti." A u predaji koju bilježi imam Buhari stoji da je neko od ashaba upitao Allahovog Poslanika, sallallahu alejhi ve sellem, da mu ukaže na djelo koje po vrijednosti, stepenu i velični nagrade odgovara borbi na Allahovom putu, na što mu je Vjerovjesnik, sallallahu alejhi ve sellem, odgovorio: "Ne mogu naći takvo djelo.", tj. nisam u stanju pronaći drugo djelo koje je poput džihada i njemu jednako. U dva Sahiha stoji predaja u kojoj se kaže: "Jutro i noć na Allahovom putu su vredniji od dunjaluka i svega što je na njemu." Zatim je rekao: "Da li možeš, kada borac na Allahovom putu izade u borbu, da odeš na svoje mjesto gdje klanjaš namaz, te da klanjaš bez prestanka i da postiš bez mrsenja?" Odnosno da li ti možeš od vremena kada borac na Allahovom putu, izade iz svoje kuće u borbu, da odeš na mjesto gdje klanjaš namaz te da tu stalno boraviš posvećen ibadetu Allahu, klanjajući namaz bez prestanka i da postiš iz dana u dan bez prekida. Ako je to

moguće onda je to jedino što je ravno borbi na Allahovom putu. Tada je čovjek rekao: "A ko može tako nešto?", odnosno ko može klanjati i postiti bez prestanka? Nema sumnje da je tako nešto iznad čovjekovih mogućnosti.

<https://www.sunnah.global/hadeeth/bs/show/3917>

النّجّات الخيريّة
ALNAJAT CHARITY

